

UGOVOR BR. 17-14-3356-14

ustupanje usluga kontrole tekućeg održavanja i održavanja u funkciji video nadzora i sistema vatrodjave u objektima Kantona Sarajevo u toku 2017. godine

I – UGOVORNE STRANE

Naručilac: KANTON SARAJEVO, Stručna služba za zajedničke poslove
Ul. Reisa Džemaludina Čauševića 1
ID broj: 4200667410006
koju zastupa načelnik Fikret Jašarević
u daljem tekstu: **Naručilac.**

Izvršilac: "UNILAB" d.o.o. Sarajevo
Ul. Drinska br. 70 71 000 Sarajevo
koga zastupa direktor Hazim Šahbaz
u daljem tekstu: **Izvršilac**

II – PREDMET UGOVORA

Član 1.

Naručilac naručuje, a Izvršilac preuzima obavezu da za račun Naručioca, a prema uslovima i odredbama ovog Ugovora i na osnovu prihvaćene ponude Izvršioca broj: HŠ – 170/17 od 17.02.2017. godine, **zaprmljene 17.02.2017. godine, pod brojem: 17-14-6519**, vrši usluge kontrole, tekućeg održavanja i održavanja u funkciji video nadzora u objektima Kantona Sarajevo u toku 2017. godine, i to:

- u ul. Reisa Džemaludina Čauševića 1;
- u ul. Hamida Dizdara 1;
- u ul. M. Tita 62;
- u ul. Aleje Bosne Srebrene bb.

Član 2.

Izvršilac se obavezuje da po nalogu Naručioca i na osnovu prethodno usaglašenog i od strane Naručioca usvojenog obima usluga, izvede eventualne naknadne ili dodatne usluge, a sve u skladu sa odredbama ovog Ugovora i u skladu sa zakonom.

III – KVALITET I OBIM USLUGA

Član 3.

Izvršilac usluga se obavezuje da sve ugovorene usluge izvede prema usaglašenoj dokumentaciji i predmjeru, a u skladu važećim propisima, standardima i normativima za ovu vrstu usluga.

Član 4.

Za sve vrste izvedenih poslova na objektima kao i kvalitet izvedenog ukupnog stanja u odnosu na važeće propise, Izvršilac je dužan o svom trošku, izraditi i Naručiocu dostaviti odgovarajuće dokaznu dokumentaciju o ispravnosti i kvalitetu izvedenih usluga.

Član 5.

Eventualna odstupanja od izvođenja premjerom i predračunom predviđenih dodatnih usluga, a u pogledu njihovog kvaliteta kao i njihovog obima do 10% od ugovorenih usluga, moraju biti prethodno odobrena od strane Naručioca, odnosno od strane nadzornog organa, uz prethodno provođenje procedure koja je u skladu sa Zakonom o javnim nabavkam (Sl. glasnik BiH 39/14).

IV – KONTROLA

Član 6.

Stručni nadzor nad realizacijom usluga vršit će Zavod za izgradnju Kantona Sarajevo preko svog ovlaštenog lica, koje će biti imenovano odmah po potpisivanju ugovora. Izvršilac usluga je dužan da pismenim putem obavijesti Naručioca o imenu ovlaštenog lica za realizaciju ugovorenih usluga na objektima.

V – GARANCIJA O KVALITETU

Član 7.

Izvršilac usluga daje garanciju da će izvedene usluge bit realizovane u skladu sa važećim zakonskim propisima koji se odnose na ovu vrstu usluge.

Član 8.

U slučaju naknadne pojave nedostataka u kvalitetu izvedenih usluga a u okviru ugovorene realizacije usluga, Izvršilac je dužan da u roku od 24 (dvadesetčetiri) sata po pozivu Naručioca pristupi njihovom otklanjanju i iste odmah otkloni o svom trošku. U slučaju da se Izvršilac po pozivu Naručioca ne odazove u roku iz stav 1. ovog člana Ugovora, Naručilac stiče pravo da za otklanjanje nedostataka, na račun Izvršioca angažuje drugog Izvršioca.

Član 9.

U slučaju naknadne pojave nedostataka u kvalitetu izvedenih usluga, a u okviru ugovorenih usluga, čijim bi trajanjem bili ugroženi životi ljudi ili prouzrokovane veće materijalne štete nad objektom, opremom i drugim uređajima u, i oko objekta, Izvršilac je dužan da otklanjanju nedostataka pristupi odmah po pozivu Naručioca. U slučaju da Izvršilac to izbjegava Naručilac će postupiti na način predviđen članom 8. Ovog Ugovora.

VI – CIJENA USLUGA

Član 10.

Ukupna vrijednost usluga po ovom Ugovoru iznosi:

110,00 KM (bez PDV-om),
18,70 KM (PDV 17%),

128,70 KM (sa PDV-om).

Slovima: Stotinudvadesetosam i 70/100 KM.

| <i>Red. br.</i> | <i>Opis pozicije</i> | <i>Jedinica mjere</i> | <i>Količina</i> | <i>Jedinična cijena bez PDV-a</i> | <i>Ukupna cijena bez PDV-a</i> |
|-----------------|---|-----------------------|-----------------|-----------------------------------|--------------------------------|
| 1. | Cijenu radnog sata za servisiranje video nadzornih sistema | <i>radni sat</i> | <i>1</i> | 10,00 | 10,00 |
| 2. | Cijenu radnog sata za servisiranje vatrodojavnih sistema | <i>radni sat</i> | <i>1</i> | 10,00 | 10,00 |
| 3. | Cijenu radnog sata za servisiranje alarmnih sistema | <i>radni sat</i> | <i>1</i> | 10,00 | 10,00 |
| 4. | Cijenu radnog sata za servisiranje plinodojavnih sistema | <i>radni sat</i> | <i>1</i> | 10,00 | 10,00 |
| 5. | Cijenu radnog sata za servisiranje sistema kontrole prolaza i obračuna radnog vremena | <i>radni sat</i> | <i>1</i> | 10,00 | 10,00 |
| 6. | Cijenu radnog sata za servisiranje interfonskih i videointerfonskih sistema | <i>radni sat</i> | <i>1</i> | 10,00 | 10,00 |
| 7. | Priključenje objekta na DOC, monitoring i intervencija | <i>pšl</i> | <i>mjesečno</i> | 50,00 | 50,00 |

Konačna vrijednost poslova utvrdit će se konačnim obračunom realizovanih usluga, a na osnovu stvarno izvedenih količina i ugovorenih jediničnih cijena po usaglašenom predmjeru ugovoreni poslova, koji se nalaze u prilogu ovog Ugovora i koji čine njegov sastavni dio.

Konačnom vrijednošću radova će biti obuhvaćene i eventualne naknadne usluge, a u skladu sa članom 2. ovog Ugovora.

Član 11.

Izvršilac nema pravo na promjenu ugovoreni jediničnih cijena usluga, po bilo kom osnovu i u tom smislu **jedinične cijene utvrđene premjerom i predračunom, smatraju se fiksnim i nepromjenljivim.**

VII – NAČIN I USLOVI PLAĆANJA

Član 12.

Ugovorne strane su se sporazumjele da Naručilac, Izvršiocu ugovoreni poslova iste plati na račun:

žiro račun broj: 1410010000105022 (»BOSNA BANK INT. d.d.« Sarajevo)

Član 13.

Fakturisanje (plaćanje) relizovanih poslova će se vršiti na slijedeći način:

- mjesečno, nakon završetka ugovorom predviđenih poslova i ispostavljanja fakture.

Nadzorni organ i ovlašteno lice Naručioca dužni su u roku od 5 (pet) dana po prijemu privremene ili okončane situacije istu ovjeriti i uputiti na dalju realizaciju ili je, u slučaju njene neispravnosti (manjkavosti), vratiti Izvršiocu.

Ovjerenu i potpisanu fakturu Naručilac je, na način predviđen članom 12. ovog Ugovora dužan isplatiti Izvršiocu u roku od 90 (devedeset) dana, koji počinje teći danom njenog prijema od strane Naručioca.

VIII ROK I USLOVI IZVRŠENJE USLUGA

Član 14.

Rok realizacije usluga (rok izlaska na intervenciju), kao i realizaciju dodatnih i naknadnih usluga do 10% od ugovorenog obima je **1 sat** nakon uvođenja u posao.

Član 15.

Pod uvođenjem Izvršioca u posao, u smislu odredbi prethodnog člana, smatra se obaveza Naručioca:

1. da potpiše i ovjeri ovaj Ugovor,
2. da preda Izvođaču svu dokumentaciju potrebnu za realizaciju usluga,
3. da Izvršiocu omogući korištenje predmetnih prostora za realizaciju ugovorenih usluga.

Član 16.

Ukoliko to Izvršilac bude zahtjevao Naručilac je dužan da Izvršiocu poslova, bez naknade omogući korištenje i priključenje na elektro i mrežne instalacije.

Član 17.

Izvršilac poslova je odgovoran za:

1. sprovođenje mjera tehničke zaštite na radu na objektima,
2. sigurnost objekta i stvari u njemu za vrijeme realizacije poslova,
3. sigurnost i zaštitu ljudi, stvari i susjednih objekata i prostora, a u pogledu mogućih posljedica uzrokovanih realizacijom poslova.

Također, Izvršilac je prema zahtjevu Naručioca dužan da planirane poslove realizuje van radnog vremena uposlenika, što se ima utvrditi posebnim termin planom koji je sastavni dio ovog ugovora.

Član 18.

Izvršilac treba ukoliko je to zakonska obaveza prijaviti izvođenje predmetnih poslova nadležnom opštinskom organu, a sve u skladu sa važećim propisima.

IX PENALI I KAZNA

Član 19.

U slučaju da Izvršilac svoju ugovorenu obavezu ne izvrši u ugovorenom roku i u obimu iz osnovnog predmjera usluga sa eventualnim viškovima usluga do 10% od ugovorene vrijednosti poslova, Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od izvedene vrijednosti poslova za svaki dan zakašnjenja, a najviše do 5% od vrijednosti izvedenih poslova.

Ukoliko Izvršilac u ugovorenom roku iz bilo kog razloga ne započne ugovorene poslove ili ugovorene poslove djelimično izvede, ali isti budu izvedeni manje od 70% od ukupno planiranih poslova, Naručilac stiče pravo da automatski pokrene proceduru naplate raskida ugovora.

Član 20.

Ukoliko dođe do kašnjenja ugovorom preuzetih obaveza, ugovorena kazna će biti obračunata konačnim obračunom, a ukoliko dođe do otkazivanja ugovora na jedan od načina koji su navedeni u članu 19. Ovog ugovora, Naručilac stiče pravo naplate troškova koji su prouzrokovani otkazivanjem ugovora.

X DOKUMENTACIJA

Član 21.

Izvršilac je obavezan svakodnevno voditi dokumentaciju koja je propisana zakonom za ovu vrstu poslova.

XI PRIMOPREDAJA

Član 22.

Naručilac je dužan, po zahtjevu Izvršioca, formirati komisiju za primopredaju predmetnih usluga.

Izvršilac je dužan 5 /pet/ dana prije konačnog završetka poslova, Naručiocu uputiti pismeni zahtjev za formiranje komisije, a Naručilac je dužan u roku od 7 /sedam/ dana po pismenom zahtjevu Izvršioca formirati komisiju i zakazati primopredaju predmetnih poslova.

Član 23.

Primopredaja poslova se, po zahtjevu Naručioca može izvršiti i za dio usluga koji čine funkcionalnu cjelinu, a sve po procjeni i u skladu sa procjenom Naručioca.

Član 24.

Troškove rada komisije za primopredaju usluga snosi svaka ugovorna strana za svoj dio članova zajedničke komisije.

XII KONAČAN OBRAČUN

Član 25.

Konačan obračun svih poslova će se izvršiti najdalje u roku od 5 /pet/ dana po izvršenoj primopredaji ugovorenih usluga.

Član 26.

Konačan obračun poslova će se izvršiti putem zajedničke komisije Naručioaca i Izvršioca u koji ugovorne strane imenuju po jednog člana.

Član 27.

Komisija za konačan obračun poslova je dužna da po završetku konačnog obračuna sačini zapisnik o izvršenim poslovima i po tri primjerka dostaviti svakoj od ugovorenih strana na dalju realizaciju shodno odredbama ovog Ugovora.

Član 28.

Troškove rada komisije za konačan obračun poslova snosi svaka ugovorna strana za svoj dio članova zajedničke komisije.

XIII IZMJENA ODREDBI UGOVORA, RASKID UGOVORA

Član 29.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi, a takav dokument čini sastavni dio ovog Ugovora.

Član 30.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim ne izvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

XIV PRELAZNE I ZAVRŠNE ODREDBE

Član 31.

Sastavni dio ovog Ugovora čine:

1. prihvaćena ponuda Izvršioca poslova br. HŠ-170/17 od 17.02.2017. godine,
2. sva druga obostrano usaglašena i ovjerena dokumentacija nastala tokom realizacije poslova.

Član 32.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.

Član 33.

Ovaj ugovor stupa na snagu danom potpisa od strane ugovornih strana i traje do 31.12.2017. godine, sa mogućnošću produženja za najviše godinu dana, pod istim uslovima i uz obostranu saglasnost ugovornih strana..

Član 34.

Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

IZVRŠILAC:
"UNILAB" d.o.o. Sarajevo

Direktor

/Hazim Šahbaz/



NARUČILAC:
KANTON SARAJEVO

Stručna služba za zajedničke poslove
Načelnik SSZP KS

/Fikret Jašarević/



Ugovor broj: HŠ-199/17

Datum: 13.03.2017 . godine

Ugovor broj: 17-14-3356-14

Datum: 13-03-2017 . godine